

مشتاق

مطبعه و محل اداره :

جفال اوغلنده امنيت
سندوغي جوارنده
شنكول يقوشنده
۲۰ نومرو

اظهار :

مسلکمزمووافق آثار
جدیدہ مع الممنونیه
قبول اولنور

درج ایدلمین آثاراعاده اولنماز

دیر ، فلسفه ، علوم ، حقوق ، ادبیات تاریخ ، سیاسیانده ربالخاصه احوال و شئونه اسلامیدر بحث ایدر و هفته ده بر نشر اولنور .

آبونه بدلی

صاحب و مؤسسلری :

درسعادتده نسخہ سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرلهدن مقوا بورو ایله کوندربلیرسه سنوی

۲۰ غروش فضله آلنیر

۱۰ تموز ۳۲۴

سنه لکی	التی آیلانی	غروش
۶۵	۳۵	۳۰
۶۰	۳۰	۲۵
۱۷	۹	۱۰

عدد : ۱۴۴

۱۱ جمادی الاخره پنجشنبه ۲۶ مایس ۳۲۷

آلتنجی جلد

شیمی ، شو تقسیمه عطف اولنه جق اك سطحی بر نظر اونك غایت طبعی بر تقسیم اولدیغنی ، الندن قورتولق قابل اولمایه جغنی تسلیمه کفیدر ، زیرا مدنی اولسون ، وحشی اولسون ، عصریمزده بولسون ، یاخود ماضییه قاریشین ، نه قدر ملت وارسه هپسك لسان حالی بونی سویایور .

ایمدی بر شریعت عادلّه شو درت قسمدن هر برینك قارشیسنه اوله وجیهلر قویمالیدرکه احکامنه متمسك اولانلر او وجیهلری ایفا مجبوریتده اولسون ؛ او وجیهلرده عدالت ، قانون طبیعتّه تمامیه موافق بولسون . بو ایسه اوله بر ایشدرکه بوکونه قدر دین اسلامدن باشقه سی ایچون اونی قانون عدل وحق ایجابجه یرینه کتیرمک میسر اولماشدر .

أوت ، مسلمانلق انسانلری یوقاریده سویلیدیکمز درت قسمه آیریور ، هر قسم ایچونده مسلمانلره اداسی فرض اولان بر طاقم خصوصی وجیهلر کوستریور .

انسانلر نظر اسلامده شو وجهله درت قسم اولیور :

۱ — مسلمانلر .

۲ — ذمیلر . بونلر اهل کتاب دیدیکمز یهودیلردن ، نصرانیلر- دن مسلمانلرک اداره سی آلتنده بولنوب مسلمانلرک قانونلرله اداره اولنانلردر .

۳ — مسلمان حکومتلرله باریشقی یاخود متفق اولانلر .

۴ — مسلمان حکومتلرله محارب اولانلر . شیمدی شریعتک مسلمانلره قارشی شو درت قسم حقهده نه کی وجیهلر تعیین ایتش اولدیغنی برر فصلده کوسترم .

محمد عاکف

مدنیت اسلامیه دن بر صحیفه

یاخود

سرنسوانه

انسانیت — یعنی شخصیت معنویه بشر — دنیا دینیلن شو محنت عالمنده دست قدرتله کسوة آدمیتی اکتسا ایلدی ، عصرلرجه بر حیات طفولیت کچیردی ، بر طوفان شبابك امواج وحشت و جهالتی اراستنده یووارلاندی طوردی .

بك عظمتی ، بك اسرار انکیز اولان فطرتك ، دوش عجزیه تحمیل ایلدیکی وظائف خلقت و عبودیتی نوکرنمک اوزره مکتب معرفتده انه ویریلن الفبای مدنیتی ابتدا کال شوق هوسله اوقومغه باشلامش ایکن قامتی بر از سیوریلوب یوکسلنجه تبدیل طور ایدرک شدتی بر خرچینلغه ، وحشیانه بر آزعینلغه طوتولدی :

کتابلرینی یرتمق ، پارچالامق ، یازیلرینی سیلمک ، یالامق یرینه معنائیز ، مأسز : أبوق صابوق صاحبز ، هذیانلر یازمق ؛ بر آز دها بویونجه خواجه ادرا کینه ، مرشد عرفانه یومروقلرینی صیقاراق

فکرنی تدقیق ایدلم . باقلم نه نتیجه دسترس اوله جفر ، « اسپینوزا » کائناتک جوهر ، عرض و صورت دینیلن اوج عنصردن تشکلی ممکن اولدیغنی ادعا ایدیور . انسان ایچون ك قوی ، اك مستمر برحس ایله محسوس ، اشیای سائرهك هپسندن زیاده قابل تدقیق اولان بر شی وارسه اوده کندی حقیقتیدر . شو حالده « اسپینوزا » ك تشکیل ایده جکی عالیده تعین شخصینك مدلول و چیزی اولان « بن لفظك یعنی نفس ناطقهك موقعیتی تحری ایدیکز . عجبا نفس ناطقه جوهر- میدر ؟ خیر . چونکه جوهر بذاته قائم بر موجود غیر متناهیذر . یکی عرضمیدر ؟ عرضده دکلدز ؛ زیرا عرضده نامتناهیذر . هر نه قدر بونامتناهیلك نسبی ، اضافی ایسهده . شو حالده نفس ناطقه « صورت » دیمك اوله جق . بوده قبول ایدیله مز . چونکه صورت (بر موجود) متعین اولوب بساطتیه برابر کندیسنده برطاقم ملکات مند مجذر . شو حالده نفس ناطقه اولسه اولسه بر مجموعه صور اوله- بیلیر . بویه بر صورت قوللکسیونیه بر معنای مجرددن بشقه برشی اوله ماز .

دیمك که نفس ناطقه « اسپینوزا » ك عالندن الی الابد مطرود ، او عالیده انك ایچون بر موقع آرامق یهوده در . عجبا بوفیلسوف « اراده » خصوصنده وجدان عمومی و تجربه ایله متحدمیدر ؟ خیر .

فرید

سلامت و صحت

اجتماعی وجیهلر

هانکی انسان اولورسه اولسون ، خصوصیه متمدن عصرلرده ، شو درت اسمك برینه داخل بولنمقدن خالی قالمز :

۱ — افراد سائره سیله دین ، لسان ، مقتضیات طبیعیه جهتلرندن اشتراکی اولان ؛ طوغریدن طوغرییه اونك قانونیه اداره ایدیلن بر جمعیتک عضوی اولمق .

۲ — اعتقاد ، اخلاق ، عادات نقطه نظرندن کندیسنه مخالف بولنان بر ملت و وطنداشلق ، محکومیت کی قیود ایله مربوط بولنمق .

۳ — داخل اولدیغی جمعیت آره لرنده بر چوق جهتلردن منافات موجود اولان دیگر جمعیتلره صرف اتحاد منافع یوزندن دوست کچمک .

۴ — منسوب بولندیغی جمعیت بینلرنده کی مسائل حیاتیهك تخالفی یوزندن دیگر بر جمعیه قارشی دشمن وضعی آلمق .

کورولیورکه اوج اولکی حال بویوک جمعیتلرک باشندن هیچ بر زمان اکسیك دکلدز ؛ دردنجیسنه کلنجه عالم سیاستده کی موقعنك اهمیتته کوره بمضاً یاخود چوق زمان بر جمعیت بوکاده معروض اولور . نته کم مدنیتده ، شوکتده اك ایلری کیدن ملتلك استعمار ، استملاک پولتیقه سنده کی جاذبه قایله رق ، حتی اك کوچوک ، اك زوالی قیله لرله ، صورت دائمده حرب ایتمکه اولدقلرینی کورویورز .

دیشلرینی غیجیرداتهرق نفرتلر ، دشناملر یاغدیراراق — مفترس بر حیوان کی — صالدرهق ! دوکمک ! حتی — بعضیسنیده — تولدیرمک ! ایشته یو یاراماز ، یوشیاریق انسانک . کتیب معرفته حرمتی ! کتاب مدنیتی ، تعلیمه محبتی !

ایشته — تاریخکده شهادت ایتدیکی وجهله — ادوار طفولیت وشبانی کچیردیکدن صوکر اک صوکر واک بویوک معلمک حضور هدایت پرورینه چاغیریلدی .

او مربی اعظم انسانیت ، او معلم افخم مدنیت ، سلطان کشور نبوت ، امام محراب رسالت (علیه الصلوة والسلام) افندیز حضرتلری ایدی .

عادت بوکه آخرده کلیر بزمه اکابر

هرودوتلر ، قسه نوفوتلر ، پولیلر نه دیرلرسه دهسینلر ، سوقراتلریله ، افلاطونلریله ودها بیلیم کیملریله نه قدر افتخار ایدرلرسه ایتسینلر ، مدنیت ، او زمانه قدر غالبلرک مغلوبلری دیری دیری دزیرلرینی یوزمسندن ، رؤس مقطوعه لرندن تپلر ، داغلر وجوده کتیرمسندن ، حیاً اوزرلرینه دیوارلر توروب قاجع بر موته ترک ایتمسندن ، داینک مدیونی اسیر کی صائمق ، یاخود — صانکه حیاتی کندی عمرینه قاتوب انک حسابنه یاشایه بیله جکمش کی ! — تولدیرمک حقنه مالک اولمسندن عبارت ایدی . ایشته یونان وروما مدنیتی ! مع مافیه اعتراف اولمیلدر ، که جزیره العرب جهانتده ، وحشته ، سفالده — همانده — سائر قطعات ارضک اک بد بختی ایدی دینیله بیلیر . انسانلر اراسنده — استعداد فطریلریله — اک زیاده سعادت ، بختیارلغه لایق اولان نسل جلیل عرب بوغوجی . تولدیریجی ر کابوس فسادک آلتیده جانسز ، نفسیز یاشایورلردی . اشرف مخلوقاتک اخس موجوداته ، بی روح جهادته الوهیت کی بر صفت مقدسه ازلیه ویردرک حضورنده جین سایی تذلل واحتقار اولسی ، طاشدن ، اغاجدن استمداد ایتسی قدر مصیبتی تصور اولونیر ؟ بو بد بختلری دوشدیکلری درک اسفل هیچیدن چکوب قورتارمق ، انسانلقلرینی احساس ایتک ، ولو اولان روحلرینی دیرلتمک — بر قوه فوق الطبیعه اولمدقجه — قدرت بشر داخلنده دکلدی .

فقط اوروح الروح انسانیت ، او معشوق احدیت ، او مسجود ملکیت تک باشنه — بی پروا میدان مجاهدهیه آیلیدی . حق وحقیقته ، انسانیت ، مدنیت دعوته مأمور اولدیغنی اعلان ایتدی .

مکده اون اوج سنه — لایققطع — جهالتله ، وحشته پنجه لشدی ، که بالکنز بو اوزون مدته چکدیکی زحمت ومشقتلرک ، انک یقین اقرباسندن کوردیکی خصومت واهانتلرک ، معروض قالدیغنی هجوملرک صولتیرک تفصیلنه جلدلر دولوسی کتابلر تحمل ایده مز . بوتون دنیانک ابدی سلطنتنه مقابل اولسه ینه چکلمز ، چکیله مز اولان بو مختلره ، بو ابتلاره نیچین قاتالانیور ، نهدن کوکس کوریوردی ؟ نهدن احد

غزاسنده مشرکین قریش مبارک دیشنی قیرمق جنایتده بولونمش ایکن . اللهم اصالح قومی وهم لایعلمون »

[یارب ! قومی اصلاح بویور ! انلره غضب ایتمه ! چونکه بیلیمورلر] دییه خیر وصلاح ایله ، سعادت وفلاح ایله دعا بویوردی ؟ دنیاچه مادی بر منفعتک ذره سی یوق ایکن نیچین لایتزلزل بر عزم خرد فرسما ایله وظیفه مقدسه سنده ثبات ایتدی ؟ بو سؤاللر جواب ایستر جواب .. ! حضرت قرآن حکیم تدریجاً شرف بخش نزول اولمقده ، عقل وادراک او یاندقجه . انبساط ایتدیکیجه امرلر ، نهیلر ، ارشادلر ، موعظه لر ، ضرب امثاللر ، تاریخدن عبرت آمیز صحیفه لر کتیرمکده ایدی .

دوشونولسون : بربرینک قاننه صوصامش بیغینلریله اقوام جاهله بی ، قبائل مشرکینی لواء الحمد اسلام انده طوبیلامق ، باریشدیرمق ، سهویشدیرمک ، تپوشدورمک ، بوتون روابط انسانیت اخوتیله یکدیگرینه صیم صیق باغلامق ؛ اعدای حق وحقیقته قارشو بر نقطه مدافعده

« کأنهم بنیان مرصوص »

تشبیه جلیل قرآنسینک تمثال ذی حیاتی شکله قویمق ... بونه پرورولق بیلیمز اقدام وغیرت ! بونه بیتمز توکنمز همت وعنایت ! بونه علوشان انسانیت ! بونه عظمت ! بونه قدسیت ! ارتق بونک بر قوه فوق الطبیعه وتعیین صحیحله عقول سلیمه بی تسخیر ایدیجی بر قوه رسالت ، بر جاذبه نبوت اولدیغنده شک وترددی قالیر ؟

ایسترسه قالسین ! قیامته قدر قالسین !

« حقیقت سنجه مجهول اولسه ده عقلاً مبرهندر »

« کونش اعمایه پنهان اولسه ده بی نایه روشندر »

« مدنیت ، بر وجود ایسه انک روحی ده مکارم اخلاقدر » دیمشدم . شان جلیل القدری

« وانک لعلی خلق عظیم »

ستایش ازلیسیله تحیلر تکریم بویوریلان اونور احدیت ، اومهر آسمان رسالت (علیه الصلوة والسلام) افندیز حضرتلری دین حق بو اساس متین اوزرینه قوریورلر روحه مساط اولمش امراض اخلاقیه بی انقاس قدسیه لریله تداوی بویوریورلردی (انما بعثت لاتمم مکارم الاخلاق)

[بن ، انجق مکارم اخلاقی اتمام واکمال ایتک ایچین بعث اولوندم] حدیث جلیل بو حکمته منی شرفزای صدور ارمشدر . ذات همایون رسالت پناهیلری بر خلق عظیم اولدقلری کی هر سوزلری ده بر خلق کریم ایدی . بویوریورلردی ، که : « تخلقوا باخلاق الله »

[اخلاق الهیه ایله تخلق ایدیکنز] مابعدی وار

محمد فخرالدین